

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 408 del 28/02/2024

Traduzione in mòcheno

De Jungotnkapelle van Euregio 2024: s sai' offet de innschraimzaitn

[Mòcheno] De musik kennt nèt grenzn: no en doi spruch, der Euregio Tirol-Südtirol-Trentin organisiart bider a naia summerboch va de jungotnkapelle van Euregio zòmm pet de Vraischèftn van otnmusik van drai lander. S barn se trèffn en Toblach, en Pustertol, va de 20 finz as de 28 van heibeger 2024, ungefèr sèsk jungen musiker ver za vertram zòmm a boch pet de musik. Zan leistn va de boch, de doin jungen musiker talentn barn de konzertn mòchen en de drai lander van Euregio. S meing nemmen toal en projekt de jungen musiker as hom zbischn de 16 ont de 30 jor as kemmen van Tirol, van Südtirol ont van Trentin.

Der Euregio stützt de jungen musiker talentn

Der zil va de òchte edizion va de boch va de Jungotnkapelle van Euregio ist der sèll za gem bèrt en de jungen musiker talentn, leing sa zòmm aus de stòtt ont sproch grenzn ont asou mòchen sa zòmm gaing.

De konzertn

De rifkonzertn va de Jungotnkapelle van Euregio barn se hòltn en de drai lander: en vrait a de 26 van heibeger 2024 en Trentin (plòtz nou za vinnen), en sòmsta as de 27 van heibeger 2024 en Toblach ont en sunta as de 28 van heibeger 2024 bail de Promenade Concerts va Innsbruck. De jungen musiker barn kemmen mittgaholven van viarer Andrea Waldner (Tirol) ont van Franco Puliafito (Trentin). An konzert bart se hòltn as de 20 van prochet 2025 en Mayrhofen, en de tiroler Zillertal, bail der zòmtrèff va de osterreichervraischèft van otnmusik. De toalnehmer va de Jungotnkapelle van Euregio va haier sai' inngalont za schraim se inn en ausònder projekt 2025 aa.

Innschraimzaitn finz as de 30 van oberel

S ist moglech innschraim se finz as de 30 van oberel, durch de doi sait:

<https://bit.ly/orchestra-giovanile-euregio>

Ver za nemmen toal en de bochprobe va de Jungotnkapelle van Euregio miast men zoln 150 euro ont men kriak za èssn, za schloven, de tèckstn ont de roas va ont finz en Innsbruck, Poazn ont Trea't aa.

Ibersetz gamòcht van Sprochtirl va de Tolgamoas'chèft Hoa Valzegu' ont Bersntol

(cdt)